

**Eine Christliche Er-
innerung oder Predigte / auff der
Hochzeitlichen Einsegnung / des Wolgeborn
nen Herrn / Herrn Hansen Vngnaden / Frey-
herren zu Sonnegk etc. Vnd Römischer Kö-
niglicher Maiestat Rath etc. Vnd seiner
Gnaden Gemahel / Frawen Magda-
lena / Geborne Greffin zu Bar-
bey vnd Nellingen / gethan
in der Pfarckirchen zu
Barbey / den vier-
den Julij / des
Jhars**

M. D. LVI.

**Durch Erasmus Sarcerium /
Superintendenten der löblichen
vnd alten Graffschafft
Mansfelt.**



Vorrede

Geliebten im Herrn / Wir halten vnd feiren diesen Tag/ das herliche vnd schöne fest / von der Heimsuchung Marie/ dadurch sie Elisabeth ire Gefreunde vñ Verwandte heim gesucht hat. Nu were es billich/ das ich Ewer Liebe das Euangelium/auff solch Fest verordnet/auslegte vnd vortrüge. Dieweil aber/wie fur augen/ vnd nach gelegenheit der zeit / zwo hoher Personen/gestern abend Christlich angefangen haben/sich in den heiligen Ehestand zu begeben/derhalben sie auch vertrawet worden / vnd nu weiter durch den öffentlichen Kirchgang / was zumorn loblich angefangen / zu volziehen gedenden / Daher bin ich verur-
sachet/ einen Text fur mich zu nemen / zum genwertigem wercke diensilich vnd förderlich. So viel aber das Euangelium auff dis Fest verordnet / anlanget / hiernon haben Ewer Liebe zum teil heute morgen gehöret/vnd werden weiter hiernon nach Mittlage zur Vesper bericht empfangen.

Ein Hochzeitliche

Vnd beschreibet vns denselbigen

Moses/im andern Capitel seines er

sien Buchs/Vnd laut auff vn

ser Deutsch also.

Vnd Gott der H E R R sprach / Es ist nicht gut / das der Mensch alleine sey / Ich wil jm einen Gehülffen machen / die vmb in sey. Da lies Gott der H E R R einen tieffen schlaff fallen auff den Menschen / vnd er entschlief / vnd nam seiner Rippen eine / vnd schloss die stet zu mit fleisch. Vnd Gott der H E R R bauet ein Weib aus der Rippen / die er von dem Menschen nam / vnd bracht sie zu jm. Da sprach der Mensch / Das ist doch Bein von meinen Beinen / vñ Fleisch von meinem Fleisch. Man wird sie
Mens

Mennin heissen / darumb das sie vom
Manne genommen ist. Darumb wird
ein Man seinen Vater vnd seine Mut-
ter verlassen / vnd seinem Weibe an-
hängen / vnd sie werden sein ein
Fleisch etc.

Geliebten im H. Era-
ren / dis ist ein reicher
vnd schöner Text / vol-
ler tröstlicher Leren /
für alle Eheleute / Ja
auch für diese / sonoch
außerhalb der Ehe
sein / das sie hiedurch vrsache bekomen / Ehe-
lich zu werden. Ich wil aber fürnemlich neun
Artickel / vber ihandes verlesenen Text han-
deln / vnd hiernon notdürfftiglich re-
den / so viel als Gott gnade vnd
zeit verleihen
wird.

Am Dom

Eine Hochzeitliche

Vom Ersten Artickel.

Sie das erste hören einer
Liebe allhier / wer der Stifter
vnd Einsetzer des Ehestandes
sey / nemlich Gott selbst. Vnd wie
wol Gott sonst den Menschenkin
dern / aus Gnaden vergönnet
hat / viel vnd mancherley dinge / zuerfinden / ein
zusetzen / vnd zuverordnen / wie dan Geistlicher
vnd Weltscher Geschichte / Historien aus
weisen / so hat im doch Gott diese ehre / allein vor
behalten / das er den Ehestande / den Stand al
ler zucht / eugend / vnd Erbarkeit / hat selbst ein
setzen vnd stiften wollen / zum gewissen zeugnis /
das ein heiliger / züchtiger / vnd reiner Gott sey
welcher zur Heiligkeit / zucht / vnd reinigkeit /
lust vnd liebe regt.

Wir lernen aber viel schöner Leren / bey die
sem ersten Artickel. Vnd fur das erste / das der
Ehestande ein hoher / grosser / vnd würdiger
Stand sein mus. Den er ist ja von Gott / als von
einem hohen / grossen / vnd würdigen Herrn
eingesetzt / vnd Menschlichem Geschlechte zum
besten verlassene

Zum

Zum andern / das wir den Ehestand billich in
grossen ehren halten sollen / vnd mit aller ehre
hierin / denselbigen helfen ehren / fördern / vnd
fortsetzen / hierzu wir nicht allein alle in gemein
verbunden sein / Sondern auch fürnemlich die
weltliche Obrigkeit / als Gottes Stadthalterin.
Vnd wir Kirchendiener / Vnd das nicht allein
durch gute Gesetze vnd Ordnungen / oder auch
durch die Predigke Göttlicher wores / Sondern
auch im wercke vnd in der that / durch weltliche
vnd Geistliche straffen / damit der Ehestande in
allemwege / seine gebürliche ehre habe / vnd was
diesem zum vnehren vnd misbrauch gereichen
mag / abgeschaffet werde.

Zum dritten / das der Ehestande / ein gemei-
ner Stande sey. Denn was Gott Menschlichem
Geschlechte / zum besten verordnet vnd einge-
setzt hat / das hat er für alle eingesetzt vnd
verordnet. Darumb er auch in gemein redt / in
dieser heiligen Lection. Es ist nicht gut / das
der Mensch allein sey. Was aber nu Gott in
gemein für alle Menschen eingesetzt hat / das
sol der Mensch auff sonderliche vnd gewisse
Personen nicht ziehen. Vnd sein allein vom ge-
meinen Ehestande / diese befreyet / welche Gott
durch seinen lieben Sohn Ihesum Christum
befreyet hat / Marthei am neunzehenden Ca-
pitel.

Zum

Eine Noththetliche

Zum vierden / das es ein Gebot vnd befelh Got
tes sey / das man Ehelich werde. Denn wo Gott
nicht zu gleich gewolt hatte / das wir vns solten
in den Ehestand begeben / so hatte er auch sol
chen gemeinen Stande nicht verordnet. Vnd
setze Moses dis Gebot ausdrücklich in seinem er
sten Buche / da der H. Er also spricht / Wachset
vnd vermehret euch.

Zum fünfften / das der Ehestand / ein nöthiger
oder nothwendiger Stand sey. Denn Gott der er
weisheit vnd vorsichtigkeit wol gewissen / der die
ewige vnd unwandelbare Weisheit ist / vnd sei
ner Göttlichen vorsehung nach alles weiß / das er
solchen Stand nicht würde eingefeset haben / wo
er gewußt / das wir desselbigen zuerhalten Zucht /
Tugend / vnd Erbarkeit besten entziehen mö
gen.

Zum sechsten / das der Ehestande / ein guter
Stand sey. Denn nach dem Gott selbst von Art
vnd Natur gut ist / Ja auch das höchste Gut /
Summum bonum / so kan das ja nicht anders sein / das
er eingefeset vnd verordnet hat.

Zum siebenden / das der Ehestande / ein nützer
Stand sey. Denn ja Gott hier selbst spricht / Es
ist nicht gut / das der Mensch allein sey. Hieraus
wil folgen / das der Ehestande zu vielen dingen
mus nüt vnd gut sein. Vnd so auch Gott alles /
Menschlichem Geschlechte zum besten verordnet
hat / was er dan verordnet / darumb mus auch
der Ehestand seine gewisse nutzen haben / wie er
dan auch hat / vnd L. L. hiernon hernachmals
vernehmen werden,

Zum

Predigte.

Zum achten / nach dem der Ehestande Gottes einsetzung vnd ordnung ist / so thun alle Menschen recht vnd wol daran / welche sich in denselbigen Stande begeben. Ja sie beweisen ihren pflichtigen vnd schuldigen gehorsam an Gottes Gebot / darinnen er gebotten / man sol sich verheerlichen.

Zum neunenden / das auch Gott den Eheleuten / die da Ehelich werden / solchen ihren gehorsam an seine Gebot / nach seiner Göttlichen verheissung / wil vergnügen vnd bezalen. Wie dan sehr eröstlich anzeiget / der 128. Psalm / in welchem Gott den Gottfürchtigen Eheleuten verspricht vnd zusagt / das sie sich ihrer hende arbeit nehren werden / vnd das es ihnen wol ergehen soll. Vnd das der Ehelichen Weiber / sollen sein wie die fruchtbaren Weinstöcke vmb die Heuser herumb. Vnd ihre Kinder / wie die Oelzweige / vmb die Tische herumb. Ja Gott wil Gottfürchtige Eheleute segnen aus Zion / das sie sehen das glück Jerusalem / vnd ihnen ein langes leben geben / das sie ihre Kindes Kinder sehen / vnd hieran lust / liebe / vnd freude haben.

Zum zehenden / haben wir hier zu lernen einen herlichen vnd schönen Trost / wider alle beschweris vnd verheerlichkeit / so sich im Ehestand mag zutragen. Denn auch Gott sein Creutz auff den Ehestand gelegt hat / wie auch auff alle andere Stende / von im eingesetzer vnd verordnet. Nemlich das die Eheleute wissen / das sie in dem Stande vnd Beruffe sein / welchen Gott selbst Menschlichem

Eine Hochzeitliche

lichem Geschlechte zu gute verordnet hat. Derhalben werde er sie endlich nicht verlassen/ Sondern inen mit hülff/ trost/ beistande / vnd errettung erscheinen. Vnd das alles nach seiner verheißung/ die er den Gottfürchtigen Eheleuten gethan hat.

Gegenieren.

Aus dem gegenteil haben wir alhier zu lernen vnd zu behalten / woher der Pubenstande kömpt/ außserhalb der Ehe/ in schande vnd vnzucht/ wider das sechste Gebot Gottes zu leben. Vnd wer desselbigen Einsitzer vnd Stifter sey. Solcher Stand kömpt vom Teufel / der in auch eingesetzet vnd gestiftet hat. Denn er ist ein feind aller zucht/ reinigkeite/ tugende/ vnd erbarkeit/ drümb ist er auch dem Ehestande zum höchsten zuwider / welcher ein heiliger Standt ist / vom H. V. verordnet/ als ein gewisses mittel vnd Regney/ wider alle vnzucht vnd vnzugent/ hieran doch der Teufel allein gefallen hat. Derhalben da Gott den Ehestand hatte verordnet/ gedachte hernach der Teufel/ nach seinem falle/ wie das er demselbigen zuwider/ den Pubenstand einsetzte/ zum vntergang aller zucht vnd erbarkeit. Denn des Teufels wille vnd wercke sein/ Gottes willen vnwercken alzeit zuwider lauffen. Vnd wie man pflegt zu sagen im gemeinen vnd wol bekandtem Sprichwort/ Wenn Gott eine Kirche bauet/ so bauet der Teufel als bald eine Capell darneben. Das alhier der Teufel des Pubenstands/ außserhalb

Predigle.

halb der Ehe/ ein Stiffter sey/ ist hier aus offens-
 bar/ das in Christus newt/ Johannis am 8. einen
 Mörder/ das ist/ einen Stiffter aller mörderrey.
 Item/ einen Vater aller Lügen. Vnd setzt der
 Herr allhier/ Word vnd Lügen/ für alle ander-
 re Laster vnd Sünden/ so der Teufel stiffter.
 Hierunter nicht die wenigste/ Hurerey vnd vneu-
 gend treiben/ wider das sechste Gebot Gottes.

Vnd wie nu Hurerey vnd vntugend vom Teu-
 fel sein/ also ist auch der Hurenstand von im. Vñ
 diese so hierinnen leben/ sein des Teufels leibeigen-
 ne Knechte/ welche er treibet vnd zeubet/ zu al-
 ler vnzucht vnd vntugend/ nicht anders/ als sei-
 ne Mancipia, die von einer vntugend in die andere
 fallen. Wie dan durch die erfahrung für auß/ das
 die Hurer in aller vnzucht/ also ersauffen/ das sie
 zum heiligen Ehestande keine lust noch liebe ha-
 ben. Vnd das hat auch der Poet gemercket/ da er
 gesagt/ Alle die da mit Hurerey umgehen/ der-
 nen ist beschwerlich/ das sie sich verhebelichen sol-
 len. Omnes qui amant, grauius ferunt sibi uxores da-
 ri. Item an einem andern ort. Pamphilus bulet/
 drümb flehet er den Ehestand. Vnd in der war-
 heit/ wer in den Pubenstand geret/ hieruon ist
 wenig hoffnung zur Ehe.

Wir haben aber allhier/ folgende Leren zu
 mercken/ das wir den Pubenstand sollen verdam-
 men vnd verwerffen/ als einen bösen Standt./
 vom Teufel erfunden/ damit ja niemand züchrig
 rein/ vnd erbar sey/ vnd auff das alle vntugend
 vnd vnzucht wachse vnd zunemen möge.

Eine Hochzeitliche

Zum andern / das wir solchem Stande feind
sein sollen / vnd in meiden vnd fliehen. Ja was
wir alle in gemein / diesem Stande zu wider vnd
abbruch thun können / hieran sollen wir nichts
an vns erwinden lassen. Vornemlich aber sol die
weltliche Obrigkeit / mit guten Gesetzen vn̄ scharf
sen straffen / demselbigen zum höchsten verbins
derlich sein. Desgleichen so sollen die Kirchen
diener / mit Gottes wort / vnd den Kirchenstraf
sen / Hurerey straffen vnd tilgen / dem Pubens
stand stewart vnd weren / vnd sonderliche feinde
sein aller vnzucht vnd vntugend.

Zum dritten / das es eine Teuffliche Lere sey /
den Ehestande / so Gott für einen gemeinen
Standt eingefetzt hat / allein für etliche Perso
nen ziehen vnd deuten / vnd die andern / als Geis
tliche Personen / hiervon befreien / damit er ja der
Teufel / dem heiligen Ehestande zuwider / vnter
solchen vermeinten Geistlichen / allerley vnzucht
erregt / die dan auch bey ihnen viel grösser ist / dan
das man sie mit Worten aussagen kan.

Zum vierden / das Gott den Pubensstand auß
serhalb der Ehe / verbotten hat / zum zeichen / das
er solchem Stande feind ist / vnd das wir in bil
lich fliehen vnd meiden sollen / wie auch andere
ding / vom Teufel erfunden vnd gestiftet.

Zum fünfften / das der Pubensstand ein vnnd
eiger Stand sey / welchen wir wol entrathen vnd
entberen können / wie dan nichts nötig ist / das
vom Teufel herfließt.

Zum sechsten / das der Pubensstand ein böser
Standt

Predigke.

Stande ist/wie dan auch der Teufel böse ist/welcher in erfunden hat.

Zum siebenden/das der Pubenstand ein vnndüßler stand ist/welcher zu nichts gutes diener/dan allein zu vnzucht vnd vntugende/vnd das man hiedurch Gottes zorn vnd straffen auff sich lade.

Zum achten / das die sündigen vnd vnrechte thun / so im Pubenstand sein vnd bleiben. Denn ja das sünde vnd vnrechte sein mus/das Gott verbotten hat/vnd das dem Ehestande/ von ihm ein gesetzet/zuwider ist.

Zum neunenden/das Gott die Hurer/so im Pubenstande leben / nicht wil vngestraft lassen. Wie der Apostel deutlich sagt/zum Ebreern am dreyzehenden Capitel/ Die Hurer aber/vnd die Ehebrecher wird Gott straffen. Vnd Paulus schreibet/das die Hurer/ das Reich Gottes nicht ererben sollen.

Zum zehenden/wie arme vnd elende Leute die Hurer sein/vnd aus dieser ursache/das sie wissen das sie in einem solchen Stande leben / der vom Teufel erfunden/vnd darinnen er Plagmeister vnd Regierer ist. Darumb wo sie sich hin keren vnd wenden/so sehen sie nichts anders / dan einen zornigen vnd vngnedigen Gott/vnd können dar zu nit mehr kein freidsam vnd gerübig Gewissen haben / in dem sie in dem Stande leben / so dem heilsaen Ehestande / von Gott verordenet/zuwider ist. Vnd warlich in dem Stande darinnen man dem Teufel diener/mus ja nichts anders sein/dan eitel jamer vnd elende / von wegen des

Eine Hochzeitliche

anklagenden Gewissens/das die Nurer fur vnd fur beschuldiget/naget vnd freisset. Vnd ist das einmal war/das alles Creuz vnd vnglücke der Eheleute/ferne nicht so gros ist/als das elend vnd betrübnis/welchs die Nurer ins Teufels Namen doppelt leiden müssen. Vnd wem nu Gott die Gnade gibe/das er solchen jamer vnd elend erkennen kan/der wird sich fur dem Puben stand leicht hüten/vnd nach dem Ehelichen leben erachten.

Vom andern Artikel.

Im andern / Haben ewer liebe vber den verlesenen Text zubehalten / was vnter andern vrsachen die furnehmeste gewesen sey / dadurch Gott ist bewogen worden / den Ehestand einzusetzen. Tu findet sich allhier diese furnehmliche vrsache / das Gott geachtet/nicht gut zu sein/das der Mensch allein bleibe. Denn das sein des H^{er}ren wort/Es ist nicht gut/das der Mensch allein sey. Diese wort aber hat Gott der H^{er}re geredet / da der Mensch noch im Stande der vnschulde war/vnd wuste noch von dem jamer vnd elend nicht zu sagen / darinnen er nu steckt nach dem Falle vnd Sünden. Wie viel mehr ist es nu nicht gut (dieweil der Mensch durch die Sünde gefallen) das er allein sey? Vnd hat Gott mit diesen Worten (es ist nicht gut/das der Mensch allein

Predigte.

allein sey) furnemlich gesehen / auff die Condi-
tion vnd gelegenheit des Menschens / nach dem
zukünfftigen Falle / welcher Gott nach seiner
Göttlichen vorsichtigkeit ist vnuerborgt gewesen.

Das aber nu für dem Falle des Menschens /
Gott für böse geschetzet hat / das der Mensch als
lein sey / hiervon können wir gründliche Ursachen
des bösens / nicht wol anzeigen / dieweil wir dar-
von Gottes ausdrücklich wort nicht haben / vnd
auch die erfahrung vns hiervon nicht berichten
kan. Warumb es aber nach dem Falle des Mens-
chens nicht gut ist / das er allein sey / ist leicht zu
ermessen / aus den nutzen des Ehestandes / wo
man die schaden dargegen helet / so da erfolgen
müssen / wo der Ehestand von Gott nicht veror-
dnet were. Dann sehe erstlich / so hette der Mens-
che keinen Gehülfften gehabt / der im were behülff-
lich gewesen / in zuerinnern / das er hierzu von
Gott geschaffen vnd gepflanzt / als ein Pflanz-
lein (wie vns Menschen der Prophet Esaias nen-
net / am 61. Cap.) in zu ehren / vnd zu erkennen /
vnd seinen willen zu thun / vnd also letztlich Gott
dem Pflanzler / mit guten fruchten vnser gehor-
sams / eine freude zu machen. Gleich wie gepflan-
te Beume / wo sie wachsen / zunemen / vnd gute
fruchte bringen / irem Pflanzler zur sonderlichen
lust vnd freude dienen. Vnd vmb solcher erinne-
rung willen / werden die Eheleute furnemlich Ge-
hülfften genennet.

Zum andern / so hette der Mensch keinen Ge-
hülfften seiner Nahrung gehabt / welcher er allein
nicht

Eine Hochzeitliche

nicht herre können vorstehen/dieselbige verwalten/fördern/vnd forsetzen. Ja der Mensch herre vnter der sorge der Nahrung vnd Haushaltung / müssen zuboden gehen / Vnd were im vnmöglich gewesen dieselbige nützlich vnd rechtschaffen zu volziehen. Denn was zwey thun sollen/das wird einem zu viel. Ober das / wo der Mensch krank würde / vnd allein were / so lege die ganze Haushaltung/die dennoch durch den einen gesunden Gehülffen/in des Ean verrichtet werden. Ich wil geschweigen/ob der Man gleich ein Gehülffe ist zur Haushaltung vnd Nahrung/so leret doch die erfahrung/das beide erzele dinge / furnemlich auff denen Gehülffen des Weibes stehen / wenn diese wol wil / vnd ire treueheit erzeigen/so hat es mit der Haushaltung vnd Nahrung keine not. Sonst wie arbeitsam vnd sorgfältig der Man ist / wo das Weib nicht wol wil / so ist es mit der Haushaltung vnd Nahrung verloren.

Zum drittem / so were der Mensch sein lebenslang in allerley bösen lüsten/begiriden/affecten/vnd gedanken / dahin gangen / vnd were hievon geenstiget / vnd gemartert worden / ja hiedurch verbrennet vnd verzeret. Denn der Apostel in der 1. zum Corinthe. am 7. gebrauchet sich in diesem falle / der gleichnis vom feuer vnd brennen/da er spricht/ Es ist besser freyen/dan brennen. Ursache aber solches brennens were gewesen/die beraubung der Ehe/als eine gewisse Erogeney / wider erzele böse lüste vnd gedanken.

Wie

Predigte.

Wie dan hiervon Paulus/an nechst gesetztem ort
te vermeldet/ mit diesen Worten / Aber vmb der
Hurerey willen/ hab ein jeder sein eigen Weib.
Vnd ein jedes Weib/ iren eigenen Man.

Zum vierden/ so hette der Mensch auch entras
ehen müssen/ der höchsten lust vnd freude eine/so
im auff Erden begegnen mag / nemlich das er
Gottfürchtige / gehorsame / vnd liebe Kindlein
habe/welche vmb seinen Tisch vmbher sitzen/wie
die schönen vnd lieblichen Delzweyge. Was aber
das für eine lust vnd freude sey/ hiervon können
die Eheleute / so tugentsame Kinder haben /
etwas sagen. Aber die Eheleute/ welche keine
Kinder haben/vnd gerne hetteen/ wissen darvon
besser zusagen/ in dem sie fülen die vnlust/ vnd
die betrübniß / derhalben das sie keine Kinder
haben. Das viel Eheleute/solche lust vnd freude
nicht achten / ist kein wunder nicht / denn sie
nicht Gottfürchtig sein / vnd diese wolthar Gots
es in den wind schlagen/wie andere alle/vnd ge
het mit denselbigen Leuten zu/das sie das gegen
werdige gut nicht hoch schätzen / vnd wenn sie
aber des beraubt sein/so hielten sie es gerne hoch
vnd in ehren/ wenn sie es hielten. Vnd warlich
one Kinder/ist es eine schlechte ursache/ Ehelich
sein. Vnd so Gott diese wolthar hoch achtet/im
128. Psalm / so sollen wir sie nicht für gering er
kennen.

Zum fünfften/ so hette der Mensch in seinem
Creunze/nor/ elende/vnd betrübniß/keinen trost
gehabt / ja in Franckheit vnd widerwertigkeit

C

keinen

Eine Hochzeitliche

Keinen Gehülffen. Vnd were an jm war worden
der Spruch der Schrift. Wehe dem Menschen/
der allein ist. So er fele/so hat er niemande/der
jm auffhilfft. Vnd müste also der Mensch/so er
allein sein solte/in allen seinen anstössen trostlos
vnd hülfflos sein. Das dan aber nicht geschicht/
wo der Mensch einen ehelichen Gehülffen hat/
welcher sich des andern Ehegemahls vnglücke/
als des seinen selbst annimpt.

Zum sechsten/so hecete der Mensch kein zeichen
der Geheimnis / dadurch er möchte erinnert
werden/der Liebe/trewheit/friedes vnd einig-
keit Christi des Breutigams / vnd der Kirchen
seiner Braut. Von welchem zeichen der Apostel
redet / in der Epistel zum Ephesern am 5. Cap.
Das Geheimnis ist gros. Ich sage aber von
Christo/vnd der Gemeine.

Vnd fallen vns bey diesem andern Artikel/
etliche schöne leren für. Erstlich ein Exempel
Göttlicher sorge vnd liebe an den Menschen/vnd
also an das ganze Menschliche Geschlecht/ für
welches Gott so trewlich sorget/das er auch aus
herglichem mitleiden sagt (Es ist nicht gut/ das
der Mensch allein sey) dieses schaden vnd nach-
teil hiermit zuuerhüten/ vnd sein bestes zuschaf-
fen.

Zum andern/das es gut sey / vnd das nach
Gottes vrcil vnd ausspruch / das der Mensch
ehelich werde/ vnd nicht allein sey. Vnd ob vns
gleich das gegenteil besser gefelt/ so mus doch
Gott recht haben/der da sagt. Es ist nicht gut/
das

Predigte.

das der Mensch allein sey. Wer aber hertinnen mit Gott nicht zustimmet/was thut der anders/ dan das er wil weiser vnd klüger sein / als Gott selbst. Ja er wil Gottes Vormünder sein. Vnd solche Vormünder sein diese alle/ so den Jungfrawen Stande (hievon man Gottes Gebot nicht hat / darinnen die zeit seines lebens zubeharren / in der 1. zum Corinth. am 7.) vber den Ehestande vngewürlicher weise erheben vnd loben/vnangesehen man habe Gottes Gabe Keuschlich zuleben oder nicht.

Zum dritten / das es böse sey/ one Ehe sein. Denn ist es nicht gut/nach Gottes Gerichte/ das der Mensch allein sey / so mus es ja böse sein/ wenn er allein ist. Vornehmlich aber ist es böse/ wenn einer Gottes sonderliche Gabe der Keuschheit nicht hat / darvon Christus rede/ Matthei am 19. Vnd ob gleich einer one Ehe/ im eusserlichen wandel Keuschlich lebet/hat aber doch Gottes Gabe zur völligen Keuschheit nicht/ vnd brennet inwendig von bösen lusten vnd begirden/des Stand vnd leben/ ist auch böse. Deshalb die alten Väter/ Gottfürchtige eheliche Leute allzeit höher vñ Keuscher geachtet haben/ als andere Menschen/ welche one Ehe gelebet/ vnd doch durch böse luste vnd begirde sein verzerrt worden.

Zum vierden/ welchs die schaden vnd nachteil sein / des Standes-ausserhalb der Ehe/ die ich nechst droben erzelet/ vnd welche vns billich zum Ehestande reizen vnd locken sollen/ vnd vom

Eine Nothzeitliche

Standt außserhalb der Ehe (wo man nicht Gottes sonderliche Gabe zur Keuschheit hat) abschrecken.

Zum fünfften/ werden alhier verdampt die alten Kexer/ die Tarianer vnd Encratite/ des gleichen auch die newen Kexer die Papisten/ jene darumb/ das sie den Ehestandt verworffen haben. Diese aber/ das sie den Geistlichen Personen haben die Ehe verbootten/ vnd wider Gottes vrtail geleret/ das es gut sey/ das der Mensch allein sey. Diese Kexereien aber/ nent der Apostel/ Tensfels leren/ in der 1. an Timoth. am 4. Capitel.

Vom dritten Artickel.

Im dritten/ So sollen nu E. L.

weiter vernemen/ eine heergliche vnd schöne beschreibung der Eheleute/ wer vnd was für Personen sie sein. Vnd beschreibet sie hier der Herr selbst/ das sie Gehülffen sein. Denn also spricht der Herr. Ich wil Adam einen Gehülffen machen/ die vmb in sey. Vnd ist nu das der verstandt der worte des Herrn nicht/ das allein das Weib ein Gehülffe sein sol/ vnd der Man aber nicht/ sondern viel mehr/ ein Entzehlffer. Hieraus würde nichts guts folgen. Denn was das Weib durch ire hülffe guts machte/ das würde der Man/ durch sein enghelffen zurbrechen vnd böse machen. Darumb sollen vnd müssen Eheleute/

Predigte.

Thelente/ beide Gehülffen sein/ sol anders glück
heil/ friede/ vnd wolffart vnter inen bleiben.

Es werden aber die Thelente/ darumb vom
H^{ern} Gehülffen beschrieben. Erstlich das sie
einander erewlich sollen behülfflich vnd ger arben
sein/ das vnter inen. Gottes ehre vnd furcht/ se
ne erkenntnis/ vnd der gehorsam an seinen Götte
lichen willen/ gepflanzet vnd erhalten werde.
Hierzv ein Ehegemhal das andere erinnern
vnd vermanen sol. Denn wo Thelente/ mit er
zelten tugenden nicht geschmücket vnd gezieret
sein/ da kan bey inen weder zeitliche noch ewige
wolffart erfolgen. Derhalben ein jeder/ welcher
sich in den Ehestande begeben wil/ der sehe wol
auff/ das er sich mit einer Gottfürchtigen vnd
Gottseligen Person verheleiche. Wie dan auch
das Weib/ hierauff achtung geben sol.

Tregt es sich aber zu/ das etwa aus vnwissens
heit oder aus vnuerstande/ eine Gottselige Pers
son/ sich mit einer Gottlosen verheleiche/ so
trachte er mit fleis/ wie er dieselbige bekere/ vnd
Gott dem H^{ern} gewinne/ vnd beweis hiedurch
das Ampt eines erewen Gehülffens. Denn das
die höchst. erewe vnd hülffe ist eines Christlichen
Ehegemahels/ das es aus einem Gottlosen Ehe
gemahl/ ein Gottfürchtige vnd Gottselige Pers
son/ die da Gott erkennet/ recht ehret/ vnd nach
seinem willen gehorsamlich lebet/ mache.

Wo aber ein Ehegemhal erstlich Gottselig
were/ vnd wolte hierinnen faul vnd trag werden
von warer erkenntnis Gottes abweichen/ Gott

C iij seinem

*In toto in
propositione
nois diuini.*

Eine Hochzeitliche

seinem Herrn nicht mit billlicher ehre/dienen/
vnd wider Gottes willen in allem yngeborsam
leben/ da sol abermals das ander Ehegemahl
mit irer trewen hülffe das beste thun/ vnd erzei-
gen/ das es ein trewer Gehülffe sey. Denn wo es
hierinnen nachlässig ist/ so wird auch die andere
trewe hülffe/ in andern sachen/ daran nicht so
viel gelegen/ gering sein.

In summa/ das ist die größte hülffe/ so Ehe-
leute als Gehülffen einander leisten können/ das
sie einander helfen vnd rathen/ das bey ihnen
Gottes erkennenis/ ehre/ vnd gehorsam an in/ ge-
pflanzet vnd erhalten werde.

2
Im vich
Zum andern / so werden Eheleute darumb
Gehülffen genennet / das sie einander trewlich
sollen helfen vnd gerathen sein zur Narung.
(Denn dieweil Gott wil/ das Eheleute/ in irem
Stand vnd beruffe arbeiten/ mühe/ vnd sorge
haben sollen/ vnd das nach Gottes Gebot vnd
befehl/ im ersten Buche Moses am dritten Ca-
pitel/ Im schweiß deines angesichts/ soltu dein
Brot suchen. Item/ nach ausweisung des 128.
Psalms. Du wirfst dich nehren deiner bende ar-
beit) Derhalben so sollen die Eheleute nicht fau-
lenzen/ vnd müßig gehen/ sonder irer narung
trewlich warten/ durch mühe vnd arbeit. Vnd
ob nun wol/ die arbeit an sich selbst/ die wirkliche
ursache nicht ist der narunge (denn der Herr
gesagt hat/ im dritten Capitel/ des ersten Buchs
Moses. Verfluchet sey der Acker/ vmb deiner
willen/ mit künner soltu dich drauff nehren dein
leben)

Predigte.

lebenlang. Dorn vñ Disteln sol er dir tragen &c.)
so will dennoch Gott / das der Mensch seinem be-
ruffe vñ Stande nach arbeiten soll / vñ die
narung von im durch seinen Götlichen segnen
erwarten. Wie dan auch Salomon sagt. Der
Segen Gottes macht reich.

Doch sollen Eheleute in allewege verhalten /
das sie ire narung / nicht durch vnehrliche mittel
suche / welche fur Gott vñ der Welt nicht ehrlich
sein. Denn solche narung ist nicht beharlich / vñ
erbet selten auff den dritten Erben. Denn es
heisset hie also / den alten Sprichwörtern nach.
Vnrechte Güter erben nicht auff den dritten
Erben. Wir gewinnen / also entrunnen. Vñ
wie die Whalen sagen. Male quesit, male perdit.

Zum dritten / so heissen die Eheleute Gehülff
sen / das sie erewlich zusammen setzen sollen / einander
der erewlich helfen vñ rathen / das sie ire liebe
Kinder / so ihnen Gott bescheret / in Gottes fürche
zucht / tugend / vñ erbarkeit / auffziehen / damit
sie iren Gott auch erkennen / in ehren / vñ im
gehorsam sein. Ja das sie hernach beiden Ket-
chen / dem Geiſtlichen vñ Weltlichen mügen
dienen vñ nütze ſein / die dinge der Seligkeit
helffen befördern / vñ darzu gemeinen frieden /
zucht / tugend / vñ erbarkeit erhalten. Denn
hierzv gibe Gott den Eltern ire liebe Kinder /
vñ nicht darzu / das sie dieselbige zu einem Gottes-
losen wesen anhalten / wie es nu leider vieler El-
tern böſer gebrauch iſt / das sie ire Kinder durch
böſe zucht ſelbſt verderben / vñ dem Teufel zum
Hellebrande

3
In dieſer
Liberté

Eine Hochzeitliche

Hellbrandt lassen auffwachsen/ dafur sie doch
fur dem Richterstuhl Christi/ einmal werden
schwerer antwort geben müssen/ vnd wil geschwe-
gen der straffen Gottes hier zeitlich/ vber solche
Eltern/ so ire Kinder mit der zucht verseumen/
von welchem laster/ sie billich abziehen solte/ das
schrecklich Exempel des Priesters Eli/ im ersten
Buche Samuelis/ den Gott lieffe den hals stür-
zen vom Stule/ von wegen der bösen Kinder-
zucht.

Es sollen aber die Eheleute / nicht allein an
der Kinderzucht/ ire hülffe vnd trewe erzeigen/
sondern auch an irem Hausgesinde/ vñ das gleich
fals dahin halten/ das es Gott erkenne/ in ehre
fürche/ vnd im durch rechten gehorsam diene.
Vornemlich sollen die Wenner auff ire Knechte
acht geben. Vnd die Weiber auff die Megdre.
Vnd wo es die not erfordert/ hierinnen zu gleich
einander mit hülffe erscheinen. Vnd sollen Christ-
liche Eheleute in diesem falle nicht thun/ wie
andere Gottlose/ die irer Kinder/ vnd ihres Ges-
findes/ viel weniger achten/ als der vnuernüfft-
igen Thier/ lassen sie on alle zucht/ ihres willens
geleben/ fragen wenig darnach/ ob sie Gott iren
Herrn recht erkennen/ ehren/ vnd im gefolgis
sein. Item/ ob sie Gottes fürche/ zucht/ tugend/
vnd erbarkeit lieben/ oder nicht lieben. Ja spre-
chen die Hausvater vnd Hausmütter/ die Kin-
der vnd das Gesinde/ ist iziger zeit also verwe-
net/ das sie keine straffe oder zucht leiden wollen?
Das wird dich nicht entschuldigen/ du must gleich
wol

Predigt.

wol dein Ampt thun/ vnd soltestu kein Kind oder
Gesinde behalten/ vnd disfalls die Obrigkeit/ beys
de Geistlich vnd Weltlich zu hülffe nemen.

Zum vierden/ nent Gott der Herr/ die Ehe-
leute Gehülffen/ das sie erewlich bey einander/
in Creuzen/ leiden/ jammer/ elende/ verfolgung/
frankheit/ vnd widerwertigkeit stehen sollen/
einander dienstlich vnd behülfflich sein/ von ein-
ander nicht setzen/ einander nicht verlassen/ leib
vnd gut bey einander zusehen/ die auch niemand
als der Todt scheiden sol/ weder freude oder bes-
erübnis/ glück oder vnglücke zc. Vnd das alles
sollen die Eheleute/ als erewe Gehülffen nicht
allein mit der that vnd im wercke an einander
erzeigen/ sondern auch mündlich mit worten/
nach dem solchs die gelegenheit erfordert. Solte
sich nu diese not zutragen/ das ein Ehegemhal/
thetiger hülffe bedürfft/ so sol das ander im
solche nicht enziehen/ sondern gutwilliglich vnd
in gedulde/ bis es Gott besser/ im dieselbige
leisten. Vnd wo thetiger hülffe Ursache nicht ver-
handen/ da sollen die Eheleute mit worten ein-
ander tröstlich sein/ vnd sich stercken.

Vnd ist solche thetliche vnd mündliche hülffe
der Eheleute (darumb sie auch vornemlich Ges-
hülffen heißen) viel tröstlicher vnd krefftiger/
als man mit worten erlangen mag. Denn so ein
Ehegemhal gleich niemand sein anligen ver-
trawen darff/ so hat es doch seinen erewen Ges-
hülffen/ im von Gott verordenet/ in welches
Ohren vnd herze/ es seine not ausschütten kan/
D bey

4.
In almsf.
1. 1. 1. 1.

Eine Nothzeilliche

bey dem es auch weis/ das alle sachen verschrö-
gen sein vnd bleiben. Ja wenn ein Ehegemahl
ganz trostlos ist/ vnd von allen andern Men-
schen verlassen/ so hat es noch trost vnd hülffe/
bey seinem Gehülffen. Vnd one solchen Gehülff-
sen/ were warlich der Mensch/ ein elender vnd
betrübter Mensch/ in so grossen vnd vielfelti-
gem vnglücke/ das sich bey jm reglig zuregt.

Zum fünfften/ so tragen die Eheleute/ den
Namen (Gehülffe) auch vmb dieser ursache wil-
len/ das sie sich vntereinander/ ires glücks vnd
wolfart/ mit herzen vnd treulich erfreuen sol-
len. Denn nicht allein sollen die Eheleute/ ir leide
vnd vnglücke gemein haben/ sondern auch so
glück vnd segen. Vnd ob gleich alle Menschen/
dardalben sawer sehen/ neid/ hafs/ vnd wider-
willen tragen/ das es Gottfürchtigen Eheleu-
ten/ an Leib vnd Seel wol gehet/ so haben sich
doch sie vnter einander zuerfreuen/ vnd hierumb
Gott zu loben vnd zu preisen.

Vnd lernen wir alhier bey diesem dritten Ar-
tikel/ diese nachfolgende Lerē/ das der Name/
welchen Gott selbst den Eheleuten geben hat/
das sie Gehülffen heissen/ sie erinnern vnd ver-
manen sol ires Ampts. Denn das gehört treuen
Gehülffen zu/ das sie bey sich vntereinander Got-
tes erkenntnis/ ehre/ vnd willen pflanzen vnd er-
halten sollen. Item/ in der Nahrung vnd Haus-
haltung treulich zusamen setzen. Item/ ire Kin-
der vnd Gesinde/ zur Gottesfurche/ zu che/ er-
gunde/ vnd erbarkeit ziehen. Item/ leide vnd lie-
be/ vnt-

5
In Commu-
cation
vnter
einander
forwilt.

1

2

3

4

Predigle. III

be/ vnglück vnd glücke / mit einander eragen/
vnd also leib vnd gut bey einander zusehen. Wil
nu der Ehemann wissen was im Ehestande/ sein
Ampt ist/ vnd was er thun vnd lassen sol/ so sehe
er allein seinen Namen an/ das er ein Gehülffe
heisse. Desgleichen sol auch das Weib thun/ vnd
ires Namens wercke vberlegen.

Vom vierden Artickel.

Zum vierden/ Haben wir nu aus
dieser heutigen Lection zu sehen / woher
das Weib kömpt / vnd war aus dasselbtige ers
chaffen vnd erbawet. Nemlich aus der Liebe
des Mans. Denn also schreibet hie Moses. Da
liesse Gott der HErr einen tieffen schlaff fallen
auff den Menschen/ vnd er entschlieff/ vnd nam
seiner Lieben eine / vnd schloß die stede mit
Fleisch zu. Vnd Gott der HErr bawet ein
Weib aus der Liebe/ die er von dem Menschen
nam etc.

Vnd ist das zwar wunderlich zu hören/ für vn
sern ohren/ das Gott aus der Liebe des Mans/
das Weib erbawet hat/ denn er doch sonst allers
ley Materien gehabt/ daraus er wol das Weib
hette erschaffen können. So hette auch Gott/
nach seiner allmechtigkeit/ wol aus nichts/ allein
durch das wort / das Weib erschaffen mögen/
oder gleicher gestalde wie Adam / aus einem
Klos Erden. Aber das thut Gott alles nicht/

D i j sondern

Eine Hochzeilliche

sondern leß den Menschen in einen tieffen schlaff
fallen/ vnd nimp eine Liebe aus seinem leibe/
vnd machet das Weib draus.

Hiermit aber hat Gott für das erste wollen
anzeigen vnd ausdrucken/ die grosse vnd hüzige
liebe/ so die Eheleute vnter einander haben sol-
len/ in ansehen des/ das sie also nahe verwande
vnd einander zugertan sein. Denn ja der Mensch
Adam/ aus seinem leibe eine Liebe/ zur erbaw-
ung des Weibes dargereicht hat / vnd ist also
das Weib/ aus solcher Liebe gezeuget. Ja sie be-
ide sein hiedurch ein Fleisch worden / das ein Bein
von dem andern/ ein Fleisch von dem andern ge-
nommen ist. Vnd wo nu die Eheleute solche ire
verwandnis zu hertzen vnd gemüte füren/ so ist
nicht wol möglich/ das sie in vneinigkeite vnd vn-
friede/ in neide/ has/ feindschafft/ vnd widerwil-
len können einfallen. Denn sie für vnd für/ vor
jren augen ein gewis mittel haben/ zu allem fere-
de vnd einigkeite. Vnd ob gleich der Teufel vnd
böse Leute/ desgleichen auch Natürliche bosheit
in den Eheleuten / wolten vnfriede / zand/ vnd
hader stifften/ so haben sie sich des als balde zue-
innern / das inen nichts weniger gebüren wil/
von wegen der nahen verwandnis/ als vneinig-
keite.

Vnd zu solcher liebe der Eheleute/ von wegen
jrer nahen verwandnis / vermanet der Apostel
erwlich/ in der Epistel zum Ephesern/ am 5. Cap-
itel/ Also sollen auch die Menner ire Weiber lie-
ben/ als ir eigene leibe. Wer sein Weib liebet/ der
liebet

Predigte.

liebet sich selbst. Denn niemand hat jemal sein eigen Fleisch gebasset/ Sondern er neret es/ vnd pfleget sein.

Zum andern/ hat Gott wollen/ durch die erschaffung des Weibs/ aus der Ripben des Manns zunerstehen geben/ das der Man sol das Weibs Heubt/ Regierer/ vnd Oberher sein. Denn das Weib ist von dem Manne genommen/ vnd der Man nicht vom Weibe. Ja das das Weib ist/ vnd das leben hat/ das ist sie vom Manne/ vnd hats von im. Vnd zum solchem Heubt/ Regierer/ vnd Oberherren des Weibs/ setzt Gott ausdrücklich den Man/ da er spricht/ im 1. Buche Moses am dritten/ Vnd dein wille sol deinem Man vnterworffen sein/ vnd er sol dein Herr sein. Vnd daher hat auch der Apostel gesehen/ da er das Weib/ zum Ephes. am 5. also anspricht. Die Weiber sein vnterthan iren Vätern/ als dem HErrn. Denn der Man/ ist des Weibs Heubt etc.

Vnd daher sol sich nu das Weib/ aller demüthigkeit/ vnd alles gehorsams an irem Man besleißigen/ sich keines regierens vnd herschens vber in vnterfangen/ im nichts zuwider thun vñ handeln/ sondern allzeit ein fleißige bewarerin sein des willens vnd der befehle ihres Manns. Vnd ob jr gleich widerwertige gedanken vnd wercke wolten vorfallen/ so sol sie sich des erinnern/ woher sie komme/ vnd wie sie aus der Ripben des Manns erbawet ist/ vnd iren vrsprung vom Manne habe. Vnd ist nicht wol möglich/ wo ein

D iij

Weib/

Eine Hochzeitliche

Weib diese grosse vnd trewe wolthar / so sie vom Manne empfangen hat / wird beherzigen / das sie solte gegen im stolzieren / sich auffblasen / vnd erheben / viel weniger wird sie in verachten / vnd im vnghehorsam sein.

Vnd zum zeichen vnd beweis / das das Weib sich demütiglich vnd gehorsam an irem Man erzeigen sol. Daher erregt sie auch die Decke vnd den Schleier / in der ersten zum Corinth. am eilfften Capitel.

Vnd aus dem gegenteil / zum zeichen vnd beweis das der Man des Weibs Heubte sey / vnd er das Regiment vber sie habe / so trege er keinen Schleier.

So ist auch nichts schendlicheres vñ vnebelichers dan das ein Weib vber den Man herschet vnd regieret / sich des Regiments vnd herschens vnterstehet / das jr doch nicht gebüret. Vnd ist darzu dem Manne eine schande vnd vnehre / wenn er seinem Weibe solchs herschens vnd regierens gestattet. Verhalben hat Gott die sache wolbedacht / vnd das Weib dem Manne vnterthanig gemacht. Vnd diesen vntzuch zuuerhüten / damit ja das Weib / das Schwerdt nicht bekomme / so hat auch Paulus / in der ersten zum Corinth. am eilfften nicht gewolde / das das Weib mit vnbedecktem Heubte / bere oder weissage / auff das sie sich nicht auffblase / vnd mutwilliger weise des Regiments vnterfange. Vnd zuuerhalten die freiheit vnd herschung / hat der Apostel verordnet / das die Menner / als Heubte der Weiber / im gebere

Predigte.

gebete oder weiffagen / nicht sollen ire Heubter zudecken / damit sie Chriftum ir Heubt nicht fchenden vnd verumchern.

Vnd aus dem gegenteil / fo ift das die höchfte ehre eines Weibs / das fie in aller demüthigkeit irem Manne vnterthenig vnd gehorsam fey. Wie dan das auch die größte ehre des Mans ift / wo er das Regiment befehlet vnd fñret. Das dan vnuerfichtigen Mennern zubehalten vn möglich ift / in folcher verrückung Weiblicher Natur.

Diese hohheit vnd würdigkeit aber / fol fich der Man nicht erheben / darumb feines gefallens mit dem Weibe umbzugehen / in anfehen / das er das Heubt ift / vnd das Regiment hat. Wie dan viel Mennner der Gottlofen meinung fein / das fie nicht anders willen wollen / die weil fie die Regierer vnd Heubter irer Weiber / derhalben mögen / fie diefelbige fchlagen / vbel handeln / vnd allen mutwillē vnd Tyranny an ihnen treiben. Das ift aber die meinung nicht / vnd Gott hat die Mennner zu Heubtern ober irer Weiber hiezū nicht gefetzt / vnd gehöret folcher mutwillē vnd freuel / mit der Mennner / nicht vernünftigen vnd Chriftlichen Menfchen zu / die nach vernunft vnd Gottes wort irer Weiber regieren follen / Sondern vnvernünftigen vnd Gottlofen Tyrannen. Denn durch ein Heubt / wird ein gefaffet ordentlich / vnd vernünftlich Regiment verftanden / das vernünftige / weife / vnd verftändige Mennner führen follen. Vnd ift das durch die erfahrung

Eine Nothzeitliche

zung gewislich war/ ein Weib wil mit vernunfft regieret sein. Wo aber vnvernunfft in dieser Regierung mit zuschlegt/ da folgen furnemlich zweyen grosser schaden. Entweder die Weiber werden verpfluffet vnd erschreckt/ das sie nerisch vnd vnbesonnen werden. Oder sie werden hiernon trozig/ vnd halstarrig/ das sie nichts mit willen vnd lust thun. Es meiner wol mancher Man/ er wil sein Weib mit schlagen besser machen/ aber im ausgang findet sich/ schlegt er einen Teufel aus ir/ so jaget er widerumb etliche in sie. In Summa/ ein Gottfurchtiger/ züchtiger/ vernunfftiger/ vnd fromer Man/ der zeuhet auch ein Gottesfurchtig/ züchtig/ vernunfftigs/ vnd from Weib. In Pube aber/ zeuhet eine Pübin.

So mus nu der Man/ als das Heubt des Weibes/ mit vernunfft in seiner Regierung faren/ vnd der Lere des Apostels fur vnd furingedenck sein/ das ein Weib ein schwacher Werkzeug vnd Gefesse Gottes ist/ das mit vernunfft wil regieret sein. Vnd zum andern/ das sie auch Aitersben sein/ der Gnaden vnd Seligkeit/ wie schwach vnd gebrechlich sie auch sonst sein.

Zum dritten/ so hat der H^{er}/ das Weib aus der Lieben des Mans erbawet/ das er sie hat der danckbarkeit an in wollen erinnern/ nicht allein fur diese wolthat/ das sie ire ankunfft vom Manne hat/ das dan eine grosse wolthat ist/ Sondern auch von wegen anderer wolthaten/ so sie vom Manne/ die zeit des Ehelichen lebens/ erlanger. Wir lernen aber aus diesem vierden Artickel/

folgens

Bredigte.

folgende Leren. Erstlich das der Eheleute liebe
bitzig vnd gross sein sol/in ansehen/ das sie einan-
der so nahe verwandt vnd zugethan sein/ als
so das das Weib aus des Mans Liebe erbawet
ist.

Zum andern/ das der Man des Weibs Heubt
Regierer/ vnd Oberherr sey/ vnd das billich.
Denn das Weib ist vom Manne genomen.

Zum dritten/ das sich ein Weib aller demütig-
keit vnd alles gehorsams/ an iren Man befeis-
sigen sol/ sich keines herschens vnd regierens vber
iren Man vnterfangen.

Zum vierden/ das das Weib/ dem Man soll
danckbar sein/ für diese grosse wolthat/ das sie
iren vsprung vom Manne hat/ vnd auch an-
derer des Mans wolhatten/ nicht in vergess
stellen.

Vnd zum fünfften/ was die rechten mittel vnd
wege sein/ ehre/ friede vnd einigkeit/ vnter den
Eheleuten zubehalten/ nemlich wenn sie vnsich
einander beherzigen vnd bedencken/ wie nahe
sie einander verwandt vnd zugethan sein/ das
der Man seine Liebe darzu gelichen hat/ das
das Weib erbawet ist/ vnd das sie von der Liebe
des Mans iren vsprung habe. Item/ das der
Man/ aus Gottes ordnung des Weibs Heubt/
Regierer vnd Oberherr ist/ das Weib mit ver-
nunft vnd ordentlicher weise zu regieren/ vnd
je vorzustehen. Vnd das das Weib/ vom H^{er}en
erschaffen sey/ zur demütigkeit/ zum gehor-
sam/ vnd danckbarkeit/ an iren Man. Vnd hat
solche

Eine Hochzeitliche

solche mittel vnd wege / der König Alphonsus
bessertiget / mit seiner antwort / da er ein mal ge-
fraget ward / was doch furnemlich vnter den
Eheleuten friede vnd einigkeit erhielte. Hat er
geantwortet / Wenn das Weib stum ist / vnd der
Man daub / das ist / wenn das Weib schweigen
kan / vnd nicht wort vmb schlege gibet / vnd der
Man verhöret / das er nicht zu genau alle ding
mit einem Weibe suchet / höret etwa nicht / da er
doch höret / vnd sihet nicht / da er gleichwol sihet.
Denn wird aber das Weib stum sein / wenn sie be-
erachten wird / wie nahe sie dem Manne verwand
ist / vnd das es Gottes ordnung vnd wille / das
sie sich alier demüthigkeit vnd alles gehorsams an
ihren Man beflüssigen soll. Vnd zum dritten / das
sie billich ihrem Manne danckbar sein soll. Denn
das sie ist / das hat sie vom Manne. Es wird aber
auch als dan der Man daub sein / wo er gleich-
fals mit ernst nachtrachten wird / wie nahe er
dem Weibe zugethan sey / vnd das er als
ein Neube / sie mit vernunft vnd or-
denlicher weise regieren sol / vnd
is als eines schwachen Gefasses
verschonen / viel zu gut /
vnd zum besten
halten.

Vom

Predigte.

Vom fünfften Artikel.

Im fünfften/ So hören ewer Lie-
be allhier / wie das Gott der H^{er} / das
erbawete vnd erschaffene Weib/ Adam selbst zus-
geführt hat/ vnd im dieselbige vbergeben vnd zus-
gestellt. Adam hat nicht selbst sein Weib zu sich
genommen/ so hat er sie auch dem H^{er}n nicht ab-
geraubet / abgestolen / abpracticiert durch list
vnd betrug/ vnd sie abgezogen vnd entfrembder/
durch vngehörige vnd vnordentliche mittel /
Sondern er hat der zeit erwartet/ bis sie im der
H^{er} gebracht vnd zugeführt hat.

Nu finden sich auch bey diesem fünfften Arti-
kel/ viel herlicher vnd schöner Leren. Zum ers-
ten / welchs der oberste Freier sey / vnd die fur-
nemeste vrsache / das die Leute in den ehelichen
Stande zusammen kommen. Vnd das ist Gott
selbst/ der ordenet/ vorsihet/ vnd schicket alle din-
ge also / nach seiner Göttlichen vorsehung vnd
willen. Denn was Ehelich also zusammen kom-
men soll/ das treibet vnd dringet Gott der ober-
ste Freier zusammen / der ist der Oberste vnd
Principal / Stifter vnd Ansteller / das sich die
Menschen zusammen verehelichen. Er wircket
in jnen / Sinn / Willen / vnd Gemüch/ das sie
einander zur Ehe begeren. Er ordenet ei-
nem jeden sein Ehegemahl zu / Er bringet sie
ihm selbst/ vnd führet sie ihm zu.

Eine Hochzeitliche

Vnd was Gott in diesem falle / wil gethan haben/das hat seinen foregang/ vnd kan solchs niemand weren. Denn Gottes vorschung vnd wille/sein vnuerhinderlich vnd vnuerstörlich.

Vnd ob nu Gott gleich der oberste Freier ist / vnd versihet vnd ordenet/nach seiner Göttelichen vorschung vnd willen/welche Personen Ehelich sollen zusamen komen. So gebrauchet er doch/seiner art vnd weise nach / hierzu cusserliche mittel vnd Mittelpersonen / als vnterhandlung vnd Vnterhändler. Vnd wo nu Christliche vnd gebürliche vnterhandlungen geschehen / vnd da Gottfürchtige vnd Erbare Männer / derhalben zwischen Personen handeln/da ist Gott selbst zugegen / vnd hilfft selbst vnterhandlung pflegen. Vnd was derwegen in solchen vnterhandlungen nützes vnd fruchtbars ausgericht wird / das ist alles von Gott/welcher das gedeyen hierzu gibe. Vnd daher ist die löbliche vnd ehrliche gewonheit / das man Freier ausschicket / Gottsfürchtige vnd Erbare Männer/wenn sich Leute in Ehestandte begeben wollen / welchen so Gott beistand thut / der oberste Freier/ als dan gehen die Ehen vorsich / Sonst gehen sie den Krebsgang.

Item/ haben wir hier zu lernen/ das niemand sich vnterstehen soll / eher vnd anders zu freien/ dan im Gott freier. Denn aber freiet einem Gott wenn man mit dem freien ordenelich vmbgehet/ vñ das man also Gott hierinnen leß den obersten Freier sein. Da man aber vnordentlicher vnd vngedür

Predigte.

vngewöhnlicher weise / mit dem freien umgehret /
da ist Gott nicht der Freier / Sondern der Teu-
fel. Als da man Gott den obersten Freier umb-
hülffe vnd beistand nicht anspricht / wider Na-
türliche / Göttliche / vnd Keiserliche Rechte
freiet / da man den Eltern die Kinder mit ge-
walt nimpt vnd entfürret / raubet vnd stielet sie
inen ab / vnd frembdet inen dieselbige mit heimli-
chen Practiken / listen / vnd berrug / durch Cop-
plerey / giffe / gaben / vnd geschencke etc.

Frem / ist hier zu mercken vnd zu behalten / das
die Eheleute nicht one alles gefehr / casu oder for-
wird zusamen in den Ehestandt komen / wie man
sich etwa hören leßt / das sichs mit der Ehe / gleich
wie auch sonst mit andern Weltlichen dingen in
der Welt / vngeschrlich zuregt. Sondern Ehe-
leute komen zusamen aus sonderlicher vorsehung
Gottes. Wie dan auch die tägliche erfahrung zeu-
get / vnd das gemeine Sprichwort / Wenn die
Braut beschereet ist / der fürret sie heim. Vnd die
Schrifft sagt auch / das man gelde vnd gut von
Eltern ererbe / aber ein Gottfürchtig vnd ver-
nünfftig Weib / das gebe Gott.

Es haben aber die Eheleute hierauss einen her-
lichen trost zu nemen. Denn komen sie nicht zusam-
men in den Ehestand / one Gottes vorsehung /
willen / vnd vorwissen / so wil sie auch Gott in
dem ehelichen leben nicht verlassen / Sondern sie
gnediglich regieren / stercken / vnd erhalten / ja
mit

Eine Nochtzeitliche

mit Essen vnd Trincken / vnd allerley notdurfft reichlich versehen vnd versorgen. Denn Gott der Herr nicht so ein vntreuer Gott ist / das er Eheleute solte zusammen in die Ehe bringen / vnd sie hernach verlassen. Das thun wol vntreue Menschen / das sie den Leuten zur Ehe fur das erste / behülfflich vnd gerathen sein / aber hernach wenn sie Ehelich worden / achten sie solche nur sehr wenig.

Item / werden wir allhier berichte aus dem gegenteil / das es umb sonst vnd vergeblich sey / das sich viel Leute bemühen / damit sie diese vnd sene Personen / zu Ehegemahlen überkomen. Hierzu sie dan auch allerley vneheliche vnd vngewöhnliche mittel gebrauchen. Denn es ist alles umb sonst / wo nicht Gott der oberste Freier den weg bereitet / vnd wo sein wille vnd vorsehung nicht darzu kömpt. Vnd ist eine grosse vermessenheit / vnd ein trotziger freuelmut / das Leute mit gewalt in die Ehe zusammen wollen / die doch Gott nicht bey einander haben vnd wissen wil. Ja das man sich vntersetzet / die Leute zusammen zu zwingen / die da weder lust noch liebe zusammen haben. Denn wil sie Gott im Ehelichen leben bey einander haben / so wird er ihnen auch willen / lust / vnd liebe darzu geben. Wo aber diese ding nicht erfolgen / da ist es gewis / das Gott der oberste Freier bey den sachen nicht ist. Vnd wo er aber hiebey nicht ist / da wil hernach schrecklich vnglück vnd vneinigkeit erfolgen / vnter den Eheleuten / so zusammen komen.

Derhalben

Predigte.

Derhalben so hilfft weder Copplerey/Practi-
cken/gelt/gut/vnd geschwencke. Denn wo Gott
nicht Freier ist / da bleibet es wol vngeschehen.
Freibet sichs aber / so ist weder glück noch heil
darbey.

Item/ selt vns hie zu lernen fur / ist Gott der
Oberste Freier (wo es anders mit den Eheleu-
ten recht vnd wol gerachen sol) so wil folgen/
das man Gott vmb ein Gottfürchtig / züchtig /
from/ vnd tugendsam Ehegemahl anzusprechen
hat. Vnd das diese Eheleute/so da in der Ehe/
friede/ glück / vnd heil haben wollen/ das sie mit
Gottes vorwissen/ rath / vnd willen sich verhe-
lichen/ sich fur im demüctigen/ vnd in vmb frome
Ehegemahl/ vnd glückselige Ehe ansprechen.
Vnd warlich ein Gottfürchtig vnd from Ehe-
gemahl / damit man im Ehestande friedlich
lebe/ist eine sonderliche Gabe Gottes. Vnd wie
zuuorn gesagt. Gelt vnd gut leß sich von dem
Eltern ererben / aber ein Gottfürchtig vñ from
Ehegemahl/das mus Gott geben.

Vnd leglich haben wir bey diesem fünfften Ar-
tikel zu behalten / wouu einer ein Gottfürchtig
vnd from Ehegemahl von Gott vberkomen hat/
damit er in friede vnd einigkeit lebe / das er das
fur niemand zu dancken hab/als Gott allein/der
es beschereet vnd gegeben hat. Vnd sol ein solcher
in diesem falle/seiner weisheit/ Klugheit/geschick-
ligkeit / behendigkeit / krefft vnd vermögen
wicht zuschreiben.

Vom

Eine Hochzeitliche
Vom sechsten Artikel.

Ihm sechsten / So sollen nu E. L.
hören / in auslegung dieser verlesenen Le-
ction / wie nu Adam sein Weib / das im der Herr
zugefuret / vnd vbergeben / empfangen vnd an-
genommen hat. Das vermelden diese seine wort /
Das ist doch Bein von meinen Beinen / vnd
Fleisch von meinem Fleisch. Man wird sie Wen-
nin heißen / Darumb das sie vom Manne genom-
men ist. Nu bezeichnen diese wort nichts anders /
als eine fröliche Danksagung / dadurch Adam
sein Weib mit grosser dankbarkeit angenommen
hat / vnd nur sehr frölich hierüber gewesen / das
in Gott mit einem Weibe versehen hat. Gernem-
lich aber hat Adam das sehr wol gefallen / das
im Gott ein solch Weib gebracht hat / das aus sei-
ner Lieben erschaffen ist / ein Bein von seinem
Bein / vnd ein Fleisch von seinem Fleisch / vnd das
Gott dis Weib / von dem Manne Adam genom-
men hatte.

Es ist aber hier wol zu mercken / warumb das
Weib / Wennin heiße / nicht darumb (wie es etli-
che freche Weiber auslegen) das sie vber ire Men-
ner herschen vnd regieren sollen / allerley gewalt
vnd mißwillen an ihnen vben / wie sich dan etliche
solcher vnbilliger herschung vnternemen. Son-
dern von des wegen / wie hier deutlich ausgesagt
wird / das das Weib von dem Man genommen ist.
Vnd wo das Weib das recht bedencken wird / so
achte

Predigte.

achre ich / es werde je alles herrschen wol vergen
hen / vnd sich viel mehr aller demüthigkeit vnd ge
horsams an iren Man beflüssigen / vnd im züm
höchsten dankbar sein / für diese wolthat / das sie
den herrlichen vnd schönen Namen treget / das sie
von dem Man genommen ist.

Vnd werden vns aber in diesem sechsten Ar
tikel / auch etliche schöne leren verlassen. Erst
lich / das wir fleissig vñ treulich Gott danken sol
len / wenn er vns Gottfürchtige / züchtige / frome /
vnd erbare Ehegemahl gibe vnd bescheret. Vnd
je grösser diese wolthat Gottes ist / je grösser sol
auch vnser dankagung an in sein. Vnd in der
warheit zu reden / so ist es einer grossen danksa
gung werd / wenn Gott einem ein Ehegemahl
gibe / mit dem er in friede vnd einigkeit leben müs
ge / freude vnd alles guts an im haben vnd erfah
ren.

Es sol aber solche dankbarkeit / nicht allein
in eusserlichen worten vnd geberden bestehen /
Sondern auch in wercken vnd thaten / ja sie soll
zu gleich von herten gehen / damit sie nicht eine
heuchley vnd gleisnerey sey. Darumb sollen fried
liche vnd glückselige Eheleute / in ganzes leben
in besserung stellen / an stadt der dankagung.

Aber das so sollen die Eheleute / welcher Ehe
stande glücklich vnd wolgerathen ist / Gott bil
lich dafür danken / auff das Gott weiter veruor
sachet werde / sie in friede / glück / vnd einigkeit zu
erhalten / ja sie auch weiter zusegenen vnd zubehö
ren / mit allerley Geistlichen vnd Wellichen
gütern

Eine Hochzeitliche

gütern zubegaben. Denn wer Gott für seine woltharen danckbar ist / dem gebe vnd erzeiget er nicht freundschaft / vnd das nach den Worten Christi / Matthei am fünffundzwenzigsten / Ein jeder der da hat / dem sol gegeben werden / wer aber nicht hat / von dem sol auch genommen werden / was er hat.

Vnd aus dem gegenteil / wird hier verdampe das grewliche vnd schreckliche laster der vndanckbarkeit / dadurch die Eheleute / Gott irem H^{er}ren vndanckbar sein / das er sie zusammen bracht hat. Diese mögen für das erste wol ein zeitlang / friede vnd einigkeit mit einander haben / aber die lenge wird es nicht werden. Denn Gott nichts weniger leiden kan / dan vndanckbarkeit. Darumb so trege sichs leglich mit solchen Eheleuten zu / das sie in allerley vnrat vnd vnfriede einfallen / vnd hernach die zeit ihres lebens weniger frölicher vnd guter tage haben.

Frage.

Wie wenn aber Gott / einem ein vngottfürchtig / vnd böses Ehegemahl bescheret / vnd zukommen leß / sol man im dan dafür auch danckbar sein?

Antwort.

Ja. Denn ob dich Gott gleich hie auff Erden mit einem vngottfürchtigen / vnd bösem Ehegemahl straffer / so ist es noch besser er straffe dich hier mit zeitlichen straffen / dan das er dich in jenem leben mit ewigen straffen solte. Vnd das ist billich danckens werdt.

Dar

Predigte.

Darnach so sol der gedenccken/ den Gott hier auff erden/ mit einem vngottsfürchtigen vnd bösem Ehegemahl/ darmit er nimer keinen friede vnd einigkeit hat/ gestrafft/ das er solchs nur wol verschuldet vnd verdienet hat. Denn er etwa von jugent auff ein Gottlos vnd sündlich leben/ ja ein Pubenleben geführt/ mit Gottes willen vnd rath nicht gestreite/ in vmb ein Gottfürchtig vnd from Ehegemahl nie angeruffen/ vnehrliche vnd vngewürliche mittel gebrauchet/ sein Ehegemahl zu vberkommen/ viel mehr zeitliche/ weltliche/ vnd vergengliche dinge gesucht vnter der Ehe/ vnd bey seinem Ehegemahl/ dan das er billich hette suchen sollen/ wie dan nu der gebrauch ist/ das die Leute/ die da freien/ mehr sehen auff schönheit/ gelt/ gut/ gewalt/ ehr/ grosse vnd gewaltige Freundschaft/ auff irdische lust vnd geilheit/ dan ob die Personen/ damit sie sich verhebelichen wollen/ Gottsfürchtig/ züchtig/ tugentsam/ vnd erbar sein/ ob sie Christliche vnd tugentsame Eltern vnd Freunde haben. Vnd diemell nu solche Menschen/ den Ehestand also vbel ansahen/ so hat sich niemand zuuervndern ob gleich der foregangt vnd das ende vnfriedlich ist. Viel Leute fangen den Ehestande an in des Teufels namen/ so leben sie dan auch darinnen Teufelisch.

Solche Eheleute haben von nöten/ das sie ihre Sünden vnd was sie dissals vbel gethan/ erkennen vnd bekennen/ ware Busse thun vñ vben/ des gleichen Gott vmb verzeihung bitten/ das er ihnen

S n wolle

Eine Nothzeitliche

wolle gnedig werden / seinen zorn vnd straffen
vber sie fallen lassen / vnd nu fort hin sie segnen
vnd begnadigen / das sie in friede vnd einigkeit /
in glück vnd heil miteinander haussen vnd leben
mögen. Sonst ist solches vnfriedlichs vnd vn-
glücklichs lebē / vnter den Eheleuten / das grösste
vnglück / das inen neben verlust der ewigen Sel-
ligkeit / aufferden zu stehen mag. Vnd solte ein
Ehegemhal lieber sterben / dan in ewigem zanke
vnd vnfriede mit seinem andern Ehegemhal le-
ben.

Hieraus dan zu spüren ist / das das nicht der
geringsten straffen Gottes eine ist / wenn Gott
die Menschen mit bösen vnd vnfriedlichen Ehe-
gemhalen straffet / die dan allein mit warhafft-
ger Buße / vnd einem glaubigen / vnd ernstem
gobet kan abgewendet / oder zum wenigsten gelin-
dert werden.

Frage.

Wie wenn aber Gott / solche straffe / die zeit
des lebens nicht abwendet / wie dan offte ge-
schicht.

Antwort.

So soltu nu mit solcher straff Gottes gedultig-
lich zu frieden sein / vnd gleichwol zu Got schreien
vnd bitten / das er diese straffe linder vnd milder /
das du sie tragen kanst.

Frage.

Wiewenn aber einer Gott treulich vnd fleis-
sig bittet vmb ein Ehegemahl / vnd hebet seinen
Ehestande

Predigt.

Bestand an mit Gottes wissen / willen / vnd
rath / suchet auch nichts vner der Ehe / dan das
er billich suchen sol / vnd bekompt doch gleichwol
ein vngotesüchrig vnd böses Ehegemahl / damit
er keinen friede noch einigkeit hat.

Antwort.

Das heist ein recht Creutz / welches Gott auch
nicht böser meinung zuschicket / sondern das er
des Christlichen vnglenbigen Ehegemahls glau
ben / gedulde / hoffnung / vnd standhafftigkeit
probieren vnd erforschen wil. Denn hierzu die
net das Creutz der Gotseligen. Da gilt es aber
beten / das Gott solch Creutz hinweg neme / das
er dan auch seiner verheissung nach thun wird.
Denn er ja gesagt hat. Zur zeit der not / so ruffe
mich an / vnd ich wil dich erretten / auff das du
mich ehrest.

Vom siebenden Artikel.

Der siebende Artikel thut vns be
richten / wie hoch vnd gros die liebe vnter
den Eheleuten sein sol. Klein vnd gering sol sie
nicht sein. Denn der Herr (oder wie es etliche
verstehen / Adam hie sagt) darumb wird der
Mensch Vater vnd Mutter verlassen / vnd sei
nem Weibe anhangen. Vnd ist solch anhangen /
beides von Man vnd Weib zu verstehen. Vnd ist
dis anhangen auch ein zeichen vnd werck befreis
ger vnd biziger liebe vnter den Eheleuten.

Eine Hochzeitliche

Wißt aber das nicht der verstand vnd meinung dieser worte/ das sie die liebe an die Eltern auffheben/ oder das Eheleute/ nach dem sie ehelich worden/ ire Eltern nicht mehr lieben sollen/ vnd ihnen nichts gutes thun. Denn das hies das vierde Gebot Gottes abthun/ vnd den gehorsam daselbst gebotten/ auffheben. Ja in diesem falle/ so were der Ehestand ein Ursache/ das die Kinder/ wo sie sich verpflichten/ aller Natürlichen liebe vnd barmherzigkeit an ire Eltern in vergess stelleren/ das dan schrecklich vnd greulich zu hören. Denn Gott die liebe der Kinder an ire Eltern/ in aller Menschen hertzen eingepflanzt hat/ vnd wer diese nach laßt/ der thut der Natur gewalt vnd vnrecht. Sondern diese worte bringen allein mit sich eine vergleichung zweier lieben/ einer an die Eltern/ die ander an die Ehegemahl/ vnd ist die frage/ welche vnter denen zweien die größte sey. Hierauff selte die antwort/ die liebe der Eheleute.

Einrede.

Das ist aber vnbillig/ das der Eheleute liebe/ der liebe der Kinder an ire Eltern sol vorgesetzt werden/ in ansehen/ das die liebe an die Eltern gebotten wird/ im ersten Gebot der andern Taffel. Item/ das die wolthaten der Eltern an ire Kinder/ mit Keinen Worten auszusprechen vnd zuerlangen sein. Denn die menge derselbigen ist zu gros/ vnd zu viel. Vnd das die liebe vnter den Eheleuten/ allerersten gehöre in
das

Predigt.

das dritte Gebot der andern Taffel. Item/ das die wolthaten vnter den Eheleuten/ weit nicht zuuer gleichen sein mit den wolthaten der Eltern an ire Kinder:

Antwort.

Billich solte die liebe der Kinder an ire Eltern/ vmbertzelter versachen willen/ der liebe der Eheleute vorgesetzt werden/ aber Menschliche Natur ist also verkeret/ vnd verrückt/ nach dem falle/ das die Eheleute mit irer liebe vorbrechen/ vnd zum offtermal der liebe an ire Eltern wenig achten. Wie dan die tegliche erfahrung leret/ das viel ehelicher Kinder/ irer Eltern gahr nichts achten/ hassen/ vnd verfolgen sie zum höchsten/ lassen sie auch wol an den Bettelstab gedien/ die sie doch wol erneren vnd erhalten köndten/ wo sie allein wolten. Vnd ist schier leider dahin kommen/ das wenig Eheleute/ mit iren Eltern/ Schwigerherren vnd Frauen eins sein. Das dan aber alles vntrecht ist. Denn ja die Kinder/ nims mer mehr die wolthaten/ so sie von iren Eltern empfangen/ vergleichen können.

Welche ander verstehen diesen Spruch (drum wird der Mensch Vater vnd Mutter verlassen/ vnd seinem Weibe anhangen) allein von der Wohnung/ das Eheleute bey einander wonen werden/ vnd die vorige Wohnung bey den Eltern verlassen. Das dan abermal nach diesem verstande auch ein zeichen ist einer grossen vnd hitzigen liebe der Eheleute vnter einander.

Wir

Eine Hochzeitliche

Wir lernen aber hier bey diesem lebenden Artickel/ das der Eheleute liebe eine grosse vnd hitzige liebe sey/ wo sie recht im schwang gehet/ dadurch sie ihre Eltern verlassen/ vnd viel anders ding mehr/ vnd einander anhangen.

Item/ das die Eheleute einander also lieben sollen/ das sie gleichwol die liebe an ihre Eltern nicht sollen fallen lassen/ vnd die grosse vnd vielfeltige wolthaten nicht in vergess stellen.

Vom achten Artickel.

Im achten sehen wir aus dieser heutiggen Lection/ wie viel Personen/ nu zugleich mit einander können ehelich werden/ vnd eine rechte Ehe besitzen/ warlich nicht drey/ vier/ fünffe/ sechffe etc. Sondern allein zwo Personen. Drumb hic ausdrücklich geschrieben stehet. Vnd ein Man/ wird seinem Weibe anhangen. Man liess nicht/ das er werde Weibern/ Sondern seinem Weibe anhangen.

Vnd lernen wir alhier/ das die Lere von der Polygamia/ eine falsche vnd betriegliche lere ist/ das einer zugleich möge viel Ehebegemhal zur Ehe haben. Vnd ob gleich etliche vnter den Patriarchen vnd Königen/ mehr dan ein Eheweib/ zur Ehe gehabt/ vnd solche gewonheit auch bey den Heiden gewesen/ vnd noch ist/ so ist doch dieser gebrauch wider die erste einsetzung vnd ordenung Gottes/ die da ist/ das ein Man
ein

Predigle.

ein Eheweib haben sol/ vnd ein Eheweib einen
Ehemann. Vnd zu dieser ersten ordnung / vnd
einsetzung/ fñret vns Christus widerumb/ Was
ehei am neunzehenden Capitel/ vnd spricht also.
Habt jr nicht gelesen. Das der im anfang den
Menschen gemacht hat / der machet / das ein
Man vnd Weib sein sole?

Einrede.

Das ist aber nicht zuermuten/ das die heiligi-
gen Patriarchen vnd Könige / hiermit das sie
mehr Eheweiber genommen/ vbel gethan haben/
sondern viel mehr / das Gott im solche ire weise
hat gefallen lassen?

Antwort.

Auch die lieben Patriarchen vnd Könige
sein Menschen gewesen / darumb haben sie irren
vnd fallen können. Das Gott aber jnen ire ir-
thumb vnd fälle zu gnaden gehalten hat / vnd
sie darumb nicht gestraffet / ist seiner barm-
hertzigkeit / vnd seiner grossen langmütigkeit
schuldt. So leidet vnd duldet nu Gott/ nach ver-
melden seinen Natürlichen tugenden viel/ das
im doch nicht gefele. Das aber auch Gott/ an der
vielheit der ehelichen Weiber / wenig vnd ja
keinen gefallen getragen hat / ist zu sehen aus
den Exempeln derer Eheweiber / so zur ersten
sein geeheliget worden. Also ist Agar heraus ge-
stossen/ die Abraham zu seiner Sara genommen
hätte. Die viel Eheweiber Dauides / sein von
seinem eigenen Son geschendet worden etc.

Eine Nothzeitliche

Item/so zeugen auch etlicher grossen Herren
Exempel / die da mehr / dan ein Eheweib zu
gleich gehabt/das Gott an der vielheit der Ehes
weiber keinen gefallen hat. Denn da Valentinius
nus der Keiser / zu seinem ersten Eheweibe noch
eine andere genommen hatte/ lies er ein offentlich
Mandat im Römischen Reiche ausgehen/ das
wer da wolte / der möchte mehr / dan ein Weib
zur Ehe haben. Aber da ist niemand gewesen/
der im nachgefolget hette/ zum gewissen zeichen/
das es Gott ein greuel ist/ die vielheit Ehelicher
Gemahel zu gleich/ vnd das sich die Natur dafur
schewet.

Desgleichen haben sich auch bey vnsern zeiten
Exempel zugetragen / vnd ist doch niemand
befunden worden/ der da hette nachfolgen wol
len.

Über das so ist es ein vnmöglich ding / das
fried vnd einigkeit im Ehestande bestehen mag/
wo mehr Personen / als zwo/ sich zu gleich ver
ehelichen. Vnd des hastu ein lebendig Exempel
in der Sara vnd Hagar/ zwischen welchen ein
ewiger neid / hass / zank / vnd verfolgung
war.

Vnd lernen wir bey diesem achten Artikel/
das es Gottes ordnung vnd wille sey/ das al
lein zwo Personen/zugleich in der Ehe bey einan
der wonen sollen. Vnd das die vielheit ehelicher
Gemahel zu gleich/Gott vnd der Natur abschew
lich ist / vnd eine ursache der zurüttung aller ei
nigkeit/vnter den Eheleuten.

Vom

Predigte.

Vom neunden vnd letzten
Artickel.

Zum neunden/vnd zum beschlus
dieser Predigte/ so haben wir nu anzuhö-
ren/ob nu auch Gott leiden kan/das Eheleute
in vnfriede vnd vneinigkeit mit einander leben/
in neid/zorn/hasse/vnd widerwillen/vnd das
ein Ehegemahl also gesinnet ist/das andere/and-
ers.Eins wil den weg hinaus/das andere ei-
nen andern weg.Eins zu bricht Töpffe/das an-
dere Krüge vnd Kraussen etc.

Nein Gott kan solche vnfreundlichkeit / vnei-
nigkeit / vnd vngleichheit/ vnter den Eheleuten
nicht leiden.Drumb stehet hie geschrieben. Vnd
diese zwey/werden ein fleisch sein.Wie dan Adam
vnd Heua gewesen. Denn das Weib ist gewesen
ein Bein von des Mans Bein / vnd ein Fleisch von
seinem Fleische. Vnd also sollen noch alle Ehe-
leute sein. Als dan aber sein sie mit einander ein
Fleisch/wenn sie eines sinnes vnd willens mit ein-
ander sein/das ein Ehegemahl gesinnet ist/wie
das ander/eines wil/wie das ander.Vnd wo nu
das vnter den Eheleuten ist / da darff man fur
friede vnd einigkeit nicht sorgen. Ja ob gleich
vnfriede/vneinigkeit/zand/bader/zorn/vnd
widerwillen/sich vnter jnen zugetragen hette/so
fallen doch solche ding von sich selbst dahin/wa
Man vnd Weib/eines sinnes vnd willens sein.

Eine Hochzeitliche

Daher sollen diese Personen / so sich verhe-
lichen wollen / fleißig acht auff geben / das sie
solche Personen zu ehelichen Gemabeln erwelen/
die ihres sinnes vnd willens sein / ist jnen anders
friede vnd einigkeit lieb im Ehestande.

Item / so las ich mir gefallen / das Eheleute/
die sich mit einander verhelicher / als balde nach
dem eingang in die Ehe / einander ihres sinnes
vnd willens berichten / das ist / das der Man zu
seinem Weibe sage / Sihe Weib / das ist mein sinn
vnd wille / darnach hastu dich zu richten. Vnd
wo du also mit mir wirst gesinnet sein / vnd glei-
ches willens / so wollen wir mit Gottes hülffe / frie-
de vnd einigkeit wol erhalten.

Was aber nu der Man vermeinet / seinem sinn
vnd willen zuwider zu sein / das sol er dem Weib
zu gleich anzeigen / auff das sie wisse / sich dar-
nach zu richten.

Doch mus der Man / auch hierinnen mit ver-
nunft / als ein Heubt handeln / vnd nicht alle din-
ge so genau suchen / ob gleich das Weib / nicht in
allen sachen so strack seines willens vnd sinnes ge-
lebe. Denn ein Man mus allzeit die schwachheit
vnd gebrechlichkeit eines Weibs bedencken / vnd
er / als einem schwachen Gefesse Gottes / viel zu
gut halten.

Es sollen auch die Weiber nicht störrisch sein /
den sinn vnd willen ihrer Menner zu lernen / dan
solchs jnen selbst zu nuzze gereicht.

Predigte.

Ehrede.

Wie wenn sich aber des Manns sinn vnd wille
zum bösen neigete / vnd Gottes Gebot vnd befehl
sucht vnd erbarkeit zu wider?

Antwort.

Da mus man Gottes Gebot vnd befehl fol-
gen / vnd wider sucht vnd erbarkeit nicht thun.
Denn wer sein Ehegemahl lieber hat / dan Got /
der ist seiner nicht werd.

Vnd lernen wir hier / das Gott nichts wun-
ders leiden kan / dan das Eheleute in vnfriede
vnd vneinigkeite mit einander leben.

Zum andern / was der furnemesten ursache ei-
ne sey / das Eheleute mit einander in friede vnd
einigkeite leben sollen / nemlich das sie ein fleisch /
vnd derhalben eines sinnes vnd willens sein sol-
len. Vnd diese ursache vermeldet auch der Apos-
stel / zun Ephes. am 5. Wer sein Weib lieber / der
liebet sich selbst. Denn niemand hat jemal sein ei-
gen fleisch gehasset / Sondern er nehet es / vnd
pfeget sein.

Zum dritten / lernen wir hier / was die rechten
mittel vnd wege sein / friede vnd enigkeite vnter
den Eheleuten zu erhalten / nemlich wenn sie ei-
nes sinnes vnd willens sein / darzu sie dan verma-
nen sol / das sie beide ein fleisch sein.

Ende dieser Nothzeitlichen
Predigte.



Gedruckt zu Eisle-
ben / in der löblichen vnd alten
Gräffschafft Mansfeld /
Durch Urbanum
Kaubisch.



